

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Broj: *01-45-12710*/22

ZAPISNIK
SA DVADESETTREĆE SJEDNICE
GRADSKOG VIJEĆA ZENICA
održane 26. MAJA 2022. godine

maj, 2022. godine

Zapisnik s 23. sjednice Gradskog vijeća Zenica,
održane 26.05.2022. godine

Sjednica je počela s radom u 10.14 sati.

Sjednicom je predsjedavao Mirza Husetić, predsjedavajući Gradskog vijeća Zenica.

Nakon uvodnog pozdrava predsjedavajući Vijeća konstatovao je da sjednici prisustvuju 22 vijećnika čime su se stekli uslovi za punovažno odlučivanje. Odsustvo s današnje sjednice najavili su vijećnici: Elvir Purić, Ibrahim Šišić, Zelda Dizdarević, Namir Škaljo, Osman Mehinagić i Ekrem Tuka.

Prije prelaska na utvrđivanje dnevnog reda za današnju sjednicu na traženje predsjedavajućeg Vijeća vijećnici i ostali prisutni u znak sjećanja minutom šutnje i učenjem Fatihe odali su počast rahmetli Huseinu Smajloviću i ostalim preminulim gradonačelnicima Zenice, zatim civilima stradalim na tuzlanskoj Kapiji 25. maja 1995. godine i rahmetli Harisu Ibrahimagiću, koji je bio uposlenik Gradske uprave.

Za 23. sjednicu Gradskog vijeća predložen je sljedeći dnevni red:

1. Zapisnik s 22. sjednice Gradskog vijeća Zenica, održane 21.04.2022. godine
2. Izvještaj o realizaciji projekata izgradnje, rekonstrukcije i održavanja cestovne infrastrukture za 2021. godinu
3. Izvještaj o realizaciji ulaganja u oblasti vodoprivrede za 2021. godinu
4. Izvještaj o poslovanju Privrednog društva „Regionalna deponija Mošćanica“ d.o.o. Zenica
5. Izvještaj o poslovanju Zeničke razvojne agencije ZEDA d.o.o. Zenica za 2021. godinu
6. a) Informacija o realizaciji Programa mjera za utrošak podsticajnih sredstava u oblasti privrede u 2021. godini
b) Program mjera za utrošak podsticajnih sredstava u oblasti privrede za 2022. godinu
7. Izvještaj o radu JU Centar za socijalni rad Zenica u 2021. godini i Program rada Ustanove za 2022. godinu
8. Izvještaj o radu JU „Dom za stara lica Zenica“ Zenica za 2021. godinu
9. Izvještaj o radu JU „Dom-porodica“ Zenica za 2021. godinu
10. Prijedlog Odluke o davanju saglasnosti za potpis Aneksa Ugovora o nastavku zajedničkog pothvata/aranžmana realizacije projekta izgradnje Trening centra NS/FS BiH u Zenici – II faza
11. Prijedlog Odluke o raspisivanju javnog konkursa za osnivanje prava građenja za izgradnju i uspostavu kompleksa otvorenih i zatvorenih bazena sa pripadajućim sadržajima u gradu Zenica
12. Prijedlog Odluke o utvrđivanju javnog interesa
13. Prijedlog Gender akcionog plana Grada Zenica za period 2022.-2025. godine
14. a) Prijedlog Rješenja o imenovanju tri člana Gradske izborne komisije
b) Prijedlog Rješenja o razrješenju tri člana Gradske izborne komisije
15. Prijedlog Rješenja o razrješenju člana Upravnog odbora JU „Dom zdravlja“ Zenica, predstavnik Ministarstva zdravstva ZDK

Obrazložene prijedloge za dopunu i izmjenu Prijedloga dnevnog reda podnijeli su Fuad Kasumović, Gradonačelnik Grada Zenica i vijećnica Emina Tufekčić.

Gradonačelnik je predložio da se prijedlog dnevnog reda dopuni tačkom Informacija o preduzetim aktivnostima u cilju smanjenja kategorizacije dijela magistralne ceste M17, na potezu od petlje Blatuša do petlje Lašva/Bilješevo, te da se ista razmatra pod rednim brojem

dva. Vijećnica Emina Tufekčić predložila je da se tačka 12. Prijedlog Odluke o utvrđivanju javnog interesa skine s dnevnog reda.

Tačka 11. povučena je od strane predlagača prije prelaska na utvrđivanje prijedloga dnevnog reda za današnju sjednicu.

Na traženje predsjedavajućeg Vijeća, vijećnici su se izjasnili o prijedlogu Gradonačelnika za dopunu prijedloga dnevnog reda i isti usvojili sa 21 glasom „ZA“, bez glasova „PROTIV“ i bez glasova „UZDRŽAN“, a zatim o prijedlogu vijećnice Emine Tufekčić o skidanju tačke 12. Prijedlog Odluke o utvrđivanju javnog interesa i isti nisu usvojili sa 4 glasa „ZA“, 10 glasova „PROTIV“ i 8 glasova „UZDRŽAN“.

Vijećnici su se zatim izjasnili glasanjem o konačnom prijedlogu dnevnog reda za današnju sjednicu Vijeća i **sa 19 glasova „ZA“, 1 glasom „PROTIV“ i 2 glasa „UZDRŽAN“** usvojili sljedeći

DNEVNI RED:

1. Zapisnik s 22. sjednice Gradskog vijeća Zenica, održane 21.04.2022. godine
2. Informacija o preduzetim aktivnostima u cilju smanjenja kategorizacije dijela magistralne ceste M17, na potezu od petlje Blatuša do petlje Lašva/Bilješevo
3. Izvještaj o realizaciji projekata izgradnje, rekonstrukcije i održavanja cestovne infrastrukture za 2021. godinu
4. Izvještaj o realizaciji ulaganja u oblasti vodoprivrede za 2021. godinu
5. Izvještaj o poslovanju Privrednog društva „Regionalna deponija Mošćanica“ d.o.o. Zenica
6. Izvještaj o poslovanju Zeničke razvojne agencije ZEDA d.o.o. Zenica za 2021. godinu
7. a) Informacija o realizaciji Programa mjera za utrošak podsticajnih sredstava u oblasti privrede u 2021. godini
b) Program mjera za utrošak podsticajnih sredstava u oblasti privrede za 2022. godinu
8. Izvještaj o radu JU Centar za socijalni rad Zenica u 2021. godini i Program rada Ustanove za 2022. godinu
9. Izvještaj o radu JU „Dom za stara lica Zenica“ Zenica za 2021. godinu
10. Izvještaj o radu JU „Dom-porodica“ Zenica za 2021. godinu
11. Prijedlog Odluke o davanju saglasnosti za potpis Aneksa Ugovora o nastavku zajedničkog pothvata/aranžmana realizacije projekta izgradnje Trening centra NS/FS BiH u Zenici – II faza
12. Prijedlog Odluke o utvrđivanju javnog interesa
13. Prijedlog Gender akcionog plana Grada Zenica za period 2022.-2025. godine
14. a) Prijedlog Rješenja o imenovanju tri člana Gradske izborne komisije
b) Prijedlog Rješenja o razrješenju tri člana Gradske izborne komisije
15. Prijedlog Rješenja o razrješenju člana Upravnog odbora JU „Dom zdravlja“ Zenica, predstavnik Ministarstva zdravstva ZDK

Tačka 1. Zapisnik sa 22. sjednice Gradskog vijeća Zenica, održane 21.04.2022. godine

Zapisnik, na koji nije bilo primjedbi, usvojen je sa 22 glasa „ZA“, bez glasova „PROTIV“ i bez glasova „UZDRŽAN“.

Tačka 2. Informacija o preduzetim aktivnostima u cilju smanjenja kategorizacije dijela magistralne ceste M17, na potezu od petlje Blatuša do petlje Lašva/Bilješevo

Uvodne napomene za ovu tačku dnevnog reda dali su Fuad Kasumović, Gradonačelnik Grada Zenica i Mirsad Heleg, savjetnik Gradonačelnika za komunalne djelatnosti i infrastrukturu.

Za raspravu o ovoj tački dnevnog reda javio se vijećnik Šerif Patković.

Po zaključenju rasprave, vijećnici su se izjasnili glasanjem o ovoj tački dnevnog reda i istu usvojili sa 20 glasova „ZA“, bez glasova „PROTIV“ i bez glasova „UZDRŽAN“.

Predsjedavajući Vijeća zamolio je vijećnike da za vrijeme glasanja o tački dnevnog reda budu prisutni u sali.

Tačka 3. Izvještaj o realizaciji projekata izgradnje, rekonstrukcije i održavanja cestovne infrastrukture za 2021. godinu

Uvodne napomene dao je Armin Kurtagić, stručni savjetnik za puteve.

U raspravi su učestvovali vijećnici: Faruk Hodžić, Kenan Uzunović, Vernes Menzilović, Emina Tufekčić, Nermin Mehić, Elvis Alijagić, Šerif Patković, Sanjin Aldobašić i Denan Pašalić. U raspravi su, također, učestvovali Gradonačelnik i Armin Kurtagić, dajući određena pojašnjenja i odgovore na postavljena pitanja.

Po zaključenju rasprave, vijećnici su se glasanjem izjasnili o ovoj tački dnevnog reda i istu usvojili sa 17 glasova „ZA“, 3 glasa „PROTIV“ i bez glasova „UZDRŽAN“.

Tačka 4. Izvještaj o realizaciji ulaganja u oblasti vodoprivrede za 2021. godinu

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Elmir Duvnjak, Elmin Šabanović, Šerif Patković, Nermin Mehić, Kenan Uzunović, Emina Tufekčić, Alen Kapković i Denan Pašalić. U raspravi je učestvovao Gradonačelnik dajući određena pojašnjenja i odgovore na postavljena pitanja.

Na određena pitanja vijećnika, koja nisu bila pogodna za jednostavno usmeno objašnjenje, resorna služba dostavit će odgovor u pisanoj formi u roku od 15 dana.

Vijećnica Emina Tufekčić predložila je sljedeći zaključak:

I - Gradsko vijeće zadužuje Službu da u roku od 60 dana dostavi listu projekata sa informacijom o parcelama na kojima su sporni imovinsko-pravni odnosi.

II – Zaključak stupa na snagu danom donošenja.

Po zaključenju rasprave, vijećnici se se glasanjem izjasnili prvo o prijedlogu zaključka vijećnice Emine Tufekčić i isti usvojili sa 21 glasom „ZA“, bez glasova „PROTIV“ i bez glasova „UZDRŽAN“, a zatim o tački dnevnog reda Izvještaj o realizaciji ulaganja u oblasti vodoprivrede za 2021. godinu i isti usvojili sa 19 glasova „ZA“, 1 glasom „PROTIV“ i 1 glasom „UZDRŽAN“.

U 12.29 sati predsjedavajući Vijeća Mirza Husetić dao je pauzu u trajanju od pet minuta, pa je sjednica nastavila s radom u 12.46 sati.

Tačka 5. Izvještaj o poslovanju Privrednog društva „Regionalna deponija Mošćanica“ d.o.o. Zenica

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Elmir Duvnjak, Sanjin Aldobašić, Alen Kapković, Elmin Šabanović, Osman Šuvalić, Emina Tufekčić i Elvis Alijagić. Adnan Šabani, direktor Privrednog društva „Regionalna deponija Mošćanica“ d.o.o. Zenica usmeno je odgovorio na postavljena pitanja. U raspravi je, također, učestvovao Selver Keleštura, sekretar Gradske uprave, dajući određena pojašnjenja.

Vijećnik Elmir Duvnjak predložio je da Vijeće u formi zaključka usvoji prijedlog direktora privrednog društva RDM o raspodjeli neto dobiti za 2021. godinu. Selver Keleštura, sekretar Gradske uprave pojasnio je da nema potrebe za posebnim izjašnjavanjem o prijedlogu zaključka, jer je isti sadržan u izvještaju.

Vijećnik Alen Kapković predložio je sljedeći zaključak:

I - Traži se od Alba CEE Holding da Gradskom vijeću dostavi informacije o poduzetim aktivnostima za izgradnju prve faze Centra za mehaničku obradu komunalnog otpada i proizvodnju goriva prema potpisanom Ugovoru između Grada Zenica i Albe CEE Holding od 23.10.2019. godine.

II - Zaključak stupa na snagu danom donošenja.

Po zaključenju rasprave, vijećnici su se izjasnili o prijedlogu zaključka vijećnika Alena Kapkovića i isti usvojili sa 22 glasa „ZA“, bez glasova „PROTIV“ i bez glasova „UZDRŽAN“, a zatim o Izvještaju o poslovanju Privrednog društva „Regionalna deponija Mošćanica“ d.o.o. Zenica i isti usvojili sa 23 glasa „ZA“, bez glasova „PROTIV“ i bez glasova „UZDRŽAN“.

Tačka 6. Izvještaj o poslovanju Zeničke razvojne agencije ZEDA d.o.o. Zenica za 2021. godinu

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Alen Kapković, Kenan Uzunović, Elmin Šabanović, Vernes Menzilović i Nermin Mehić. U raspravi je učestvovao i Senad Pašalić, direktor Zeničke razvojne agencije ZEDA, dajući odgovore na postavljena pitanja.

Po zaključenju rasprave, vijećnici su se izjasnili glasanjem o Izvještaju o poslovanju Zeničke razvojne agencije ZEDA d.o.o. Zenica za 2021. godinu i isti usvojili sa 20 glasova „ZA“, bez glasova „PROTIV“ i sa 3 glasa „UZDRŽAN“.

U 13.41 sati predsjedavajući Vijeća dao je pauzu i zakazao nastavak sjednice u 14.45 sati. Sjednica je nastavila s radom u 15.05 sati.

Prije nastavka rada sjednice predsjedavajući Vijeća podsjetio je vijećnike da su obavezni pridržavati se roka koji je dat za pauzu, te na vrijeme doći na nastavak sjednice.

Tačka 7. a) Informacija o realizaciji Programa mjera za utrošak podsticajnih sredstava u oblasti privrede u 2021. godini b) Prijedlog Programa mjera za utrošak podsticajnih sredstava u oblasti privrede za 2022. godinu

Nije bilo potrebe za uvodnim napomenama.

Vijećnica Emina Tufekčić obrazložila je amandman Kluba vijećnika SDA na Prijedlog Programa mjera za utrošak podsticajnih sredstava u oblasti privrede za 2022. godinu i zatražila da se na isti odgovori. Usmeni odgovor u vezi s podnesenim amandmanom dao je Senad Pašalić, direktor Zeničke razvojne agencije ZEDA d.o.o. Zenica.

zatražila da se na isti odgovori. Usmeni odgovor u vezi s podnesenim amandmanom dao je Senad Pašalić, direktor Zeničke razvojne agencije ZEDA d.o.o. Zenica.

Po zaključenju rasprave, vijećnici su se izjasnili glasanjem o amandmanu na Prijedlog Programa mjera i isti nisu usvojili sa 5 glasova „ZA“, bez glasova „PROTIV“ i 14 glasova „UZDRŽAN“, a zatim o tački dnevnog reda pod a) i b) i istu usvojili sa 16 glasova „ZA“, bez glasova „PROTIV“ i sa 4 glasa „UZDRŽAN“.

Tačka 8. Izvještaj o radu JU Centar za socijalni rad Zenica u 2021. godini i Program rada Ustanove za 2022. godinu

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnik Osman Šuvalić i Muamer Mehić, direktor JU Centar za socijalni rad Zenica koji je usmeno odgovorio na postavljena pitanja, dajući i određena pojašnjenja.

Po zaključenju rasprave, vijećnici su se izjasnili glasanjem o Izvještaju o radu JU Centar za socijalni rad Zenica u 2021. godini i Programu rada Ustanove za 2022. godinu i iste usvojili sa 16 glasova „ZA“, bez glasova „PROTIV“ i 3 glasa „UZDRŽAN“.

Tačka 9. Izvještaj o radu JU „Dom za stara lica Zenica“ Zenica za 2021. godinu

Uvodne napomene dao je Kemal Efendić, direktor JU „Dom za stara lica Zenica“ Zenica.

U raspravi su učestvovali vijećnici: Faruk Hodžić, Elmir Duvnjak, Emina Tufekčić. U raspravi je učestvovao i Selver Keleštura, sekretar Gradske uprave, dajući određeno pojašnjenje.

Vijećnica Emina Tufekčić predložila je da Vijeće donese zaključak, kojim se traži od gradonačelnika da, ukoliko drugostepeni sud donese osuđujuću presudu, promptno smijeni Kemala Efendića, direktora JU „Dom za stara lica Zenica“ Zenica. Selver Keleštura, sekretar Gradske uprave pojasnio je da Vijeće ne treba prejudicirati ishode sudskih postupaka, te da posljedice osuđujućih presuda nastupaju po sili zakona.

Po zaključenju rasprave, vijećnici su se izjasnili glasanjem o Izvještaju o radu JU „Dom za stara lica Zenica“ Zenica za 2021. godinu i to 13 glasova „ZA“, 1 glasom „PROTIV“ i 6 glasova „UZDRŽAN“.

Tačka 10. Izvještaj o radu JU „Dom-porodica“ Zenica za 2021. godinu

Nije bilo potrebe za uvodnim napomenama.

U raspravi su učestvovali vijećnici: Halil Arnaut, Denan Pašalić, Mirza Husetić, Kenan Uzunović, Faruk Hodžić, Elvis Alijagić i Elmir Duvnjak.

U raspravi je, također, učestvovala Draženka Subašić, direktorica JU „Dom-porodica“ Zenica.

U toku rasprave o ovoj tački dnevnog reda predsjedavajući Vijeća dao je pauzu u 16.24 sati, pa je sjednica nastavila s radom u 16.36 sati.

Po zaključenju rasprave, vijećnici su se izjasnili glasanjem o Izvještaju o radu JU „Dom-porodica“ Zenica za 2021. godinu i isti usvojili sa 20 glasova „ZA“, bez glasova „PROTIV“ i bez glasova „UZDRŽAN“.

Tačka 11. Prijedlog Odluke o davanju saglasnosti za potpis Aneksa Ugovora o nastavku zajedničkog pothvata/aranžmana realizacije projekta izgradnje Trening centra NS/FS BiH u Zenici – II faza

Nije bilo potrebe za uvodnim napomenama.

U raspravi niko nije učestvovao.

Vijećnicima je prikazana kratka videoprezentacija, nakon čega su se izjasnili glasanjem o Prijedlogu Odluke o davanju saglasnosti za potpis Aneksa Ugovora o nastavku zajedničkog pothvata/aranžmana realizacije projekta izgradnje Trening centra NS/FS BiH u Zenici – II faza i isti usvojili sa 20 glasova „ZA“, bez glasova „PROTIV“ i bez glasova „UZDRŽAN“.

Tačka 12. Prijedlog Odluke o utvrđivanju javnog interesa

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Emina Tufekčić, Šerif Patković, Kenan Uzunović, Almir Babajić i Elmir Duvnjak. U raspravi su, također, učestvovali: Edin Mujičić, v.d. direktora RMU Zenica d.o.o. – Zenica, Selver Keleštura, sekretar Gradske uprave i Mirsad Heleg, savjetnik Gradonačelnika.

Po zaključenju diskusije, vijećnici su se najprije izjasnili glasanjem o prijedlogu zaključka Kluba vijećnika SDA: „da se predmetna odluka vrati predlagaču na dopunu i doradu i to da se potpiše sporazum o otpisu zateznih kamata prema Rudniku mrkog uglja Zenica između Gradske uprave i Rudnika mrkog uglja Zenica, te da se iz predmetne odluke izuzme parcela na kojoj se nalazi Dom rudara“ i to 4 glasa ZA, 4 glasa PROTIV i 13 glasova UZDRŽAN, a zatim o Prijedlogu Odluke o utvrđivanju javnog interesa i istu su usvojili sa 18 glasova „ZA“, sa 3 glasa „PROTIV“ i 1 glasom „UZDRŽAN“.

Tačka 13. Prijedlog Gender akcionog plana Grada Zenica za period 2022.-2025. godine

Nije bilo potrebe za uvodnim napomenama.

U raspravi o ovoj tački dnevnog reda učestvovala su vijećnica Emina Tufekčić i Lamija Jašarević-Tutić, predsjednica Komisije za ravnopravnost spolova.

Po zaključenju rasprave, vijećnici su se izjasnili glasanjem o Prijedlogu Gender akcionog plana Grada Zenica za period 2022.-2025. godine i isti su usvojili sa 22 glasa „ZA“, bez glasova „PROTIV“ i bez glasova „UZDRŽAN“.

**Tačka 14. a) Prijedlog Rješenja o imenovanju tri člana Gradske izborne komisije
b) Prijedlog Rješenja o razrješenju tri člana Gradske izborne komisije**

Uvodne napomene za ovu tačku dnevnog reda dao je Kenan Uzunović, predsjednik Komisije za izbor i imenovanja.

U raspravi su učestvovali vijećnici Elmir Duvnjak i Almir Babajić.

Vijećnik Almir Babajić predložio je zaključak da se dostavi dopis Gradskoj izbornoj komisiji kojim se traži pojašnjenje kako za pojedine građane koji su učestvovali u radu na izborima

kao članovi biračkih odbora nema podataka o članstvu u biračkim odborima u evidenciji Gradske izborne komisije.

Pojašnjenje u vezi s navedenim prijedlogom zaključka dao je Selver Keleštura, sekretar Gradske uprave i predsjednik Gradske izborne komisije.

Po zaključenju rasprave, vijećnici su se izjasnili o prijedlogu zaključka i isti usvojili sa 22 glasa „ZA“, bez glasova „PROTIV“ i bez glasova „UZDRŽAN“.

Vijećnici su se, zatim, izjasnili glasanjem o ovoj tački dnevnog reda i istu nisu usvojili, bez glasova „ZA“, s 11 glasova „PROTIV“ i 11 glasova „UZDRŽAN“.

Tačka 15. Prijedlog Rješenja o razrješenju člana Upravnog odbora JU „Dom zdravlja“ Zenica, predstavnik Ministarstva zdravstva ZDK

Nije bilo potrebe za uvodnim napomenama.

U raspravi niko nije učestvovao.

Po zaključenju rasprave, vijećnici su se izjasnili glasanjem o ovoj tački dnevnog reda i istu nisu uvojili s 2 glasa „ZA“, 2 glasa „PROTIV“ i 18 glasova „UZDRŽAN“.

Sjednica Gradskog vijeća je zaključena i završila s radom u 17.35 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.


PREDSJEDAVAJUĆI
GRADSKOG VIJEĆA
Mirza Huseć